

高宗純皇帝實錄(九)

卷六二八至卷七二五
乾隆二十六年至二十九年

清實錄

第二七冊

中華書局影印

清實錄第一七冊目錄

高宗純皇帝實錄(九)

卷六二八	乾隆二十六年正月上	一六七五
卷六二九	乾隆二十六年正月下	一六七六
卷六三〇	乾隆二十六年二月上	一六七七
卷六三一	乾隆二十六年二月下	一六七八
卷六三二	乾隆二十六年三月上	一六七九
卷六三三	乾隆二十六年三月下	一六八〇
卷六三四	乾隆二十六年四月上	一六八一
卷六三五	乾隆二十六年四月下	一六八二
卷六三六	乾隆二十六年五月上	一六八三
卷六三七	乾隆二十六年五月下	一六八四
卷六三八	乾隆二十六年六月上	一六八五
卷六三九	乾隆二十六年六月下	一六八六
卷六四〇	乾隆二十六年七月上	一六八七

卷六四一	乾隆二十六年七月下	一六八八
卷六四二	乾隆二十六年八月上	一六八九
卷六四三	乾隆二十六年八月下	一六九〇
卷六四四	乾隆二十六年九月上	一六九一
卷六四五	乾隆二十六年九月下	一六九二
卷六四六	乾隆二十六年十月上	一六九三
卷六四七	乾隆二十六年十月下	一六九四
卷六四八	乾隆二十六年十一月上	一六九五
卷六四九	乾隆二十六年十一月下	一六九六
卷六五〇	乾隆二十六年十二月上	一六九七
卷六五一	乾隆二十六年十二月下	一六九八
卷六五二	乾隆二十七年正月上	一六九九
卷六五三	乾隆二十七年正月下	一七〇〇
卷六五四	乾隆二十七年二月上	一七〇一
卷六五五	乾隆二十七年二月下	一七〇二
卷六五六	乾隆二十七年三月上	一七〇三
卷六五七	乾隆二十七年三月下	一七〇四

卷六五八	乾隆二十七年四月上	一七二〇
卷六五九	乾隆二十七年四月下	一七二三
卷六六〇	乾隆二十七年五月上	一七三五
卷六六一	乾隆二十七年五月下	一七四四
卷六六二	乾隆二十七年閏五月上	一七五四
卷六六三	乾隆二十七年閏五月下	一七六三
卷六六四	乾隆二十七年六月上	一七七四
卷六六五	乾隆二十七年六月下	一七八五
卷六六六	乾隆二十七年七月上	一七九四
卷六六七	乾隆二十七年七月下	一八〇四
卷六六八	乾隆二十七年八月上	一八二四
卷六六九	乾隆二十七年八月下	一八三三
卷六七〇	乾隆二十七年九月上	一八三三
卷六七一	乾隆二十七年九月下	一八四五
卷六七二	乾隆二十七年十月上	一八五七
卷六七三	乾隆二十七年十月下	一八六九
卷六七四	乾隆二十七年十一月上	一七八三

卷六七五	乾隆二十七年十一月下	一七九五
卷六七六	乾隆二十七年十二月上	一七〇五
卷六七七	乾隆二十七年十二月下	一七三八
卷六七八	乾隆二十八年正月上	一七三二
卷六七九	乾隆二十八年正月下	一七四四
卷六八〇	乾隆二十八年二月上	一七五三
卷六八一	乾隆二十八年二月下	一七六八
卷六八二	乾隆二十八年三月上	一七八一
卷六八三	乾隆二十八年三月下	一七九〇
卷六八四	乾隆二十八年四月上	一八〇一
卷六八五	乾隆二十八年四月下	一八四一
卷六八六	乾隆二十八年五月上	一八四三
卷六八七	乾隆二十八年五月下	一八四三
卷六八八	乾隆二十八年六月上	一八五二
卷六八九	乾隆二十八年六月下	一八六三
卷六九〇	乾隆二十八年七月上	一八七四
卷六九一	乾隆二十八年七月下	一八八九

卷六九二	乾隆二十八年八月上	一七五〇五
卷六九三	乾隆二十八年八月下	一七五〇四
卷六九四	乾隆二十八年九月上	一七五〇五
卷六九五	乾隆二十八年九月下	一七五〇六
卷六九六	乾隆二十八年十月上	一七五〇七
卷六九七	乾隆二十八年十月下	一七五〇八
卷六九八	乾隆二十八年十一月上	一七五〇九
卷六九九	乾隆二十八年十一月下	一七五一〇
卷七〇〇	乾隆二十八年十二月上	一七五一〇
卷七〇一	乾隆二十八年十二月下	一七五一〇
卷七〇二	乾隆二十九年正月上	一七五一五
卷七〇三	乾隆二十九年正月下	一七六一〇
卷七〇四	乾隆二十九年二月上	一七六一一
卷七〇五	乾隆二十九年二月下	一七六一二
卷七〇六	乾隆二十九年三月上	一七六三三
卷七〇七	乾隆二十九年三月下	一七六四三
卷七〇八	乾隆二十九年四月上	一七六五六
卷七〇九	乾隆二十九年四月下	一七六六七
卷七一〇	乾隆二十九年五月上	一七六七七
卷七一一	乾隆二十九年五月下	一七六八六
卷七一二	乾隆二十九年六月上	一七六九五
卷七一三	乾隆二十九年六月下	一七七〇二
卷七一四	乾隆二十九年七月上	一七七二三
卷七一五	乾隆二十九年七月下	一七七三三
卷七一六	乾隆二十九年八月上	一七七三四
卷七一七	乾隆二十九年八月下	一七七四四
卷七一八	乾隆二十九年九月上	一七七五三
卷七一九	乾隆二十九年九月下	一七七六四
卷七二〇	乾隆二十九年十月上	一七七七七
卷七二一	乾隆二十九年十月下	一七七八四
卷七二二	乾隆二十九年十一月上	一七七九四
卷七二三	乾隆二十九年十一月下	一七八〇三
卷七二四	乾隆二十九年十二月上	一七八一三
卷七二五	乾隆二十九年十二月下	一七八二七

大清高宗法天隆運至誠先覺體元立極敦文奮武孝慈神聖純皇帝實錄卷之六百二十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處總

史館纂修官禮部正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣 慶桂

總裁官經筵講官太子太傅文學士文淵閣領閣事稽察欽奉 上諭事件處管理刑部部務處事務

世襲騎都尉軍功加十九級隨帶加二級又加二級 臣 董誥內大臣戶部尚書鑲黃旗滿洲都統軍功紀錄五次

尋常紀錄十四次 臣 德瑛經筵講官太子少保工部尚書紀錄六次 臣 曹振鏞等奉

敕修

乾隆二十六年辛巳春正月辛丑朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○壬

寅

上詣

皇太后宮問安○幸瀛臺○紫光閣落成賜大

學士公傅恒以下畫像諸功臣並文武大臣

蒙古王公台吉等一百七人宴回部郡王霍

集斯等葉爾羌諸回城入覲伯克薩里等哈

薩克汗阿布賚來使薩勒統卓勒巴喇斯等

十一人並令與宴○召大學士內廷翰林等

茶宴以紫光閣落成賜宴聯句○命藏得勝

靈燾及西師俘獲軍器於紫光閣○諭去歲

湖南所屬之零陵新田祁陽東安寧遠耒陽

常寧等七州縣因夏間缺雨偶被偏災已據

該撫照例散賑該省累歲豐收此數州縣秋

成偶歉民氣雖不至大傷第念間閭業已被

災日用究多拮据計例賑既畢尚屬青黃不

接之時著加恩將此七州縣無論極次貧民

再行加賑一個月該撫其善為經理務使得

霑實惠用副朕軫卹至意該部即遵諭行○

又諭甘省連歲承辦軍需。兵民俱為出力。其民間應徵錢糧。已節年蠲免。而昨歲雨暘時若。穡事大豐。閭閻諒紓拮据。惟是滿漢各營。歷年餽解馬匹。尚有預借銀兩。雖屢次加恩豁免。至八十餘萬。今猶有九十餘萬之多。本應於各該營俸餉內扣還。第念兵弁等日用攸資。按限坐扣。必致艱窘。茲大功既歲。惠愷宜宣。所有預借銀兩。著再加恩悉予豁免。用示朕體卹兵力至意。○甲辰。諭上年淮揚徐海等處。偶被水災。業經加恩陸續賑卹。諭令地方有司。實力查辦。務使窮黎得所。茲當東作方興。例賑將停。而麥收尚遠。農民生計。恐不無拮据。著再加恩。將被災較重之阜寧。安東。桃源。高郵。泰州。興化。寶應等七州縣。無論極次貧民。俱加賑兩個月。其被災次重之清河。鹽城。甘泉。睢寧。海州。沭陽等六州縣。無論極次貧民。俱加賑一個月。以資接濟。該部即遵諭速行。○安徽巡撫高晉奏。安徽藩司向

駐江寧。撫臣每歲前往。會同督臣盤查藩庫。因將每年秋審。亦在江寧審辦。今藩司既回駐安慶。無庸前往江寧盤查。所有每年秋審。皆安省應辦之事。且臬司同城駐劄。請照江西辦理秋審之例。將各屬人犯。就近解至安慶。會同藩臬審辦。仍將冊移督臣覈題。再安省督撫學臣。均不同城。向例甄別俸滿教職。學臣於按試各棚就近驗看。將考語密行藩司存案。俟督撫於江寧秋審時會驗。請嗣後先送督學。二臣驗看。再歸撫臣會覈辦理。無庸行司轉報。得旨著照所請行。○乙巳。上詣皇太后宮問安。○諭。昨已降旨將湖南省被災之零陵。新田。祁陽。東安。寧遠。耒陽。常寧等七州縣。於例賑之外。各加賑一個月。以資接濟。但今東作方興。麥秋尚遠。災民生計。仍恐不無拮据。著再加恩。將此七州縣。無論極次貧民。再予加賑一個月。用示朕惠愛黎元至意。

該部遵諭速行。○諭軍機大臣等。安泰等奏稱烏魯木齊所有馬匹頗多。須蒙古兵丁牧放。請旨於內地調取等語。現在伊犁設立牧場。蒙古兵丁甚多。則烏魯木齊馬匹牲畜。皆可解送伊犁。交與阿桂編羣孳息。著傳諭安泰。阿桂等知之。○丙午。享

太廟。遣和親王弘晝恭代行禮。○遣官祭太歲之神。○

上御紫光閣。賜外藩蒙古王公台吉等及回部

郡王霍集斯等葉爾羌諸回城入覲。伯克薩里等哈薩克汗阿布賚來使蘇勒統卓勒巴喇斯等宴。○喀什噶爾辦事都統侍郎海明奏。臣前奏拏獲逃犯烏朗噶之家屬七口。隨行文官長保等。令嚴拏烏朗噶務獲。十一月三十日。據報在冲噶巴什之扣喀爾嶺追及。俱匿山險。官長保等。同布魯特藍翎侍衛蒙固勒。回人海爾圖等登山。將烏朗噶及家屬十五口擒獲。據供。因曾管霍集斯家務。今聞

將伊屬人送京。是以挈眷逃走等語。除將烏朗噶等解送阿克蘇辦理外。謹將此次拏獲逃犯之官兵回人等。列單具奏。諭軍機大臣等。官長保從前獲罪。本應正法。姑予革職。自効。此次拏獲逃犯。尚屬奮勉。著加恩授為藍翎侍衛。冲噶巴什之阿瓦勒比等。甚屬出力。著分別賞給緞匹。○以湖北黃州協副將許成麟。為江南壽春鎮總兵。○丁未。

世祖章皇帝忌辰。遣官祭

孝陵。○諭。今日劉藻奏到滇省屬員賢否清摺。朕以愛必達亦已具奏。爰檢取覈對。見伊等所注屬員考語。大畧相同。因復將伊等上次所奏兩相比較。亦毫無參差之處。殊屬可異。三年大計之外。別令各督撫密奏屬員賢否。原欲其覈實別真。以備簡用。是以此等清摺。朕皆留中。時時披覽。亦不令在廷諸臣與知。該督撫等。自當各就所見。據實入告。初不必彼此會同。以示意見畫一。且正惟不必畫一。

而朕於其間。參互審量。益可以得其人之真。若必一督一撫。毫無異同。則與計典之會商。論定者。又何以異。奚事密摺具奏乎。即謂督撫辦事。貴乎和衷。然東不可不和。而識見則不必盡合。縱使人才不甚相遠。此見為優。彼必不見為劣。而各出衡鑒。分別品題。豈竟無大同小異之處。乃必依樣葫蘆。若此。試思此係兩人會奏之事。抑係各人自奏之事。如必瞻徇雷同。隨聲附和。則嚴覈人材。密告君父之重典。又將沿為故套。豈朕所以寄耳目心膂之意乎。愛必達等。兩次所奏屬員賢否。何以一例相同。著兩人明白回奏。尋愛必達。劉藻。各陳平日議論屬員賢否。意見尚無參差。以致具奏相同實情。自請交部嚴加議處。得旨。該部嚴察議奏。○以山西歸綏道柏珉。為陝西按察使。○戊申。諭。據楊廷璋奏。提督馬龍圖。任意那用存營公項銀兩一摺。提督為統轄大員。自應潔己奉公。表率營伍。乃馬

龍圖以奏定章程。按期動用之公項。不時提取應用。至一千五百餘兩。致將弁等。嘖有煩言。及楊廷璋委員查出虧空。及復輾轉彌補。捏詞支飾。繳出之銀。多在櫃外。其中顯有營私情弊。馬龍圖在總兵任內。即被叅劾。朕加恩復用。至提督。應如何感恩自勵。而下愚不移至此。著解任。交與該督楊廷璋會同巡撫吳士功。嚴審定擬具奏。尋奏。馬龍圖節次侵用水師提標五營存公銀一千五百餘兩。又曾委中營外委朱士俊。赴廣東買辦呢緞。用銀三百餘兩。馬龍圖因呢緞平常。發交中軍收貯。價銀並未發還。經臣楊廷璋察知。密委道員往查。馬龍圖始將侵用之項。湊齊搬至櫃旁。應照知人欲告。而自首例減罪二等。杖一百。徒三年。惟查名例又開。自首不實。及不盡者。以不實不盡之罪罪之等語。今馬龍圖私借公項。除歸還外。尚有動買呢緞等物銀三百餘兩。雖將原物發交變價抵數。並未入

已但究係自首不盡請革職照律准徒五年得旨楊廷璋不查而馬龍圖即自首乃自首耳。今聞查而私吐免罪有如此失出之理乎。汝等視朕為何如主。此必吳士功之意。汝二人據實明白回奏。大謬之極。可惡之極。為之手顫。又批。如此縱弛之案。豈可交部乎。另議奏來。○諭軍機大臣等。據楊廷璋奏。大陳山海面有釣船偷割蝦網。百總徐萬清帶兵往拏。匪船羣起。幫駕飛逃。并兵丁陳雲奇。及民船水手九人。帶往不知去向等語。漁船在洋掠竊。已屬不法。及遇巡弁帶兵查拏。復敢倚恃人衆。將過船兵丁水手。駕逃無蹤。似此橫行無忌。深為海洋商旅之患。理應剋日緝拏。按律嚴行辦理。俾匪徒不致漏網。總兵林洛前奏請陞見。已令不必來京。伊有統轄舟師之責。當督率弁兵。密速根追。獲日審明。盡法懲治。以靖海疆。無得稍有疎懈。摺內所奏。應叅將弁。著即一面查明叅奏。○叅贊大臣阿

桂等奏。十一月二十五日。據洪郭爾鄂博守卡委員報稱。有哈薩克八十餘人。帶馬五百餘匹。前來貿易。臣等傳該頭目阿里等進見。詢係哈木巴。遣伊子呼都雅爾同來。臣等令都司陳聖謨等作為商人。以緞布交易。畢於二十九日遣回報聞。○是日起。

上以祈穀於

上帝。齋戒三日。○己酉。軍機大臣等奏。查阿桂等請買喀爾喀牛羊。駝編設牧羣。經臣等議

以恐礙喀爾喀等生計。仍照原議。從達里剛愛等處牧羣。揀選送往。但路遙不無疲乏。正在遵旨籌議。適將軍成衮扎布來京。會同商酌。據稱。烏里雅蘇台有官駝一千六百隻。牛二千八百隻。羊二萬四千餘隻。蒙古等舊欠牲隻。現在陸續交納等語。臣等擬將阿桂所取。即於前項內揀送。既無礙喀爾喀生計。又可省遠送之勞。至編羣解送。必須間隔行走。不致蹂踐水草。官兵亦易照看。其烏里雅蘇

台缺額。應行文牧羣總管等。照數送補。再從前解送牲隻。請旨特派侍衛等官。今既由烏里雅蘇台解送。即以該處察看水草侍衛數員。扎薩克一員。照看官兵。緩行運送。其抵補烏里雅蘇台牲隻。亦令該總管等。派出官兵。俱照例給與行糧。及整裝銀兩。所有派出在京侍衛停從之。○工部議覆漕運總督楊錫紱奏稱。薊運河挑淺。請定章程。查薊糧上關陵橋。每年運薊船到天津。另由寧河縣之新河口入海河。又由海河轉入寶坻縣之小河。然後由白龍港。劉家莊等處達薊州之五里橋交卸。一路水多淺阻。應如所請責成寧河縣於每年開凍挑挖。務使潮小亦可通舟。至劉家莊五里橋等處。流沙易淤。難以豫挑。應責成薊州知州。屆期將淺阻處。竭力疏濬。令直督會同倉場侍郎。一體查察。得旨直隸總督事務繁多。所有薊運河挑淺工程。著就近令倉場侍郎專管。每歲督率通永道薊州知州

隨時相度。實力疏濬深通。以利漕運。○庚戌上詣

南郊齋宮齋宿。○辛亥。祈穀於

上帝。

上親詣行禮。○詣

皇太后宮問安。○壬子

上詣

大高殿行禮。○奉

皇太后居長春仙館。詣

安佑宮行禮。○幸圓明園。○諭軍機大臣等。樂

善堂全集定本。各省現在刊布。其舊本通行

各省者。前已定議行令各督撫陸續收繳。乃

距今已逾二年。惟馮鈐奏繳三十七部。其餘

各省俱係移文咨繳。經軍機處查明送到數

目。亦屬寥寥。在江浙大省。地廣事繁。朕原不

責人以所難。令其剋日完竣。但亦豈得藉辭

因循。竟爾置之不辦。至事簡小省。較湖南經

理更易。何以轉多遲緩。且原本內因朕名屢

見尚存舊邸原文。是以廷臣公請改編。此時各省如不及時收繳。又豈臣子敬謹之義。著傳諭該督撫等。可將各該省先經繳過若干。並現在作何辦理。具摺聲明。仍將續收舊本。隨時奏繳。不得但用咨文移送。○癸丑上奉

皇太后幸山高水長。至己未皆如之。喀什噶爾辦事都統侍郎海明奏前奉旨查拏搶掠臺站賊黨哈子莫斯和卓等務獲。臣訪得莫斯和卓逃往霍罕。伊子現在布魯特。即行文額爾德尼伯克。令將莫斯和卓拏解。此次派富虎至布魯特。明伊勒哈處查拏逃犯烏朗噶。因訪得莫斯和卓之子瑪瑪第斯敏尼雅斯和卓之長子呼岱巴爾氏。次子阿舒爾藏匿處所。隨同商伯克墨墨氏敏前鋒校雙星保等前往。將瑪瑪第斯敏等全獲。又據布魯特。沖噶巴什等回人報稱。貿易至布魯特之薩雅克薩喇巴噶什。遇三十餘人搶掠等語。

臣亦飭富虎查辦。據明伊勒哈遣伊子瑪木伯特等。將為首之瑪爾喀拜為從之沙巴圖等。盡擒。瑪爾喀拜情形頑梗。直供不諱。回眾等懇請除此惡賊。因即斬決梟示。沙巴圖照回法斬其手指。所搶貨物。全行查給商人領訖。諭軍機大臣等。富虎此次因偵緝逃犯烏朗噶。訪得搶臺賊黨莫斯和卓之子瑪瑪第斯敏等藏匿處所。即領官兵回人前往。全行擒獲。甚屬可嘉。著加恩賞給副都統職銜。又

諭曰。海明奏商伯克墨墨氏敏。托古薩克之密喇布伯克巴和卓。俱自備資斧。前往布魯特為富虎嚮導。安撫眾心。偵獲賊犯等語。墨墨氏敏等。抒誠効力。甚屬可嘉。著加恩賞給各二端。仍候應陞之伯克。缺出補用。○又奏本年六月。邁喇木作亂時。沖噶巴什之烏默爾比率屬搶掠安集延商人牲隻銀兩。遠遁。及阿瓦勒比。自京轉回。臣委令查緝。今據富虎報稱。聞得烏默爾比。在薩雅克。即行詢

問。據供原搶銀一千兩。除阿瓦勒比索回四百兩外。尚存二百兩。其餘係衆人分用等語。將烏默爾比家口帶至喀什噶爾。臣即派伊什罕伯克阿布都喇伊木等。向分用銀兩之布魯特等查追。其烏默爾比係從前擾亂之時。於卡外搶掠。若照瑪爾喀拜一體辦理。情罪稍有不同。請將烏默爾比之職銜革去。或交阿瓦勒比管轄。或交奇布察克布魯特散秩大臣阿奇木管轄。諭軍機大臣等。海明奏稱搶掠安集延商人貨物之瑪爾喀拜。已經正法。其從前搶掠安集延之烏默爾比情罪稍有不同。請革退職銜。交與該管約束等語。所辦非是。沖噶巴什之布魯特乃喀什噶爾所屬。與外藩回人不同。必宜賞罰嚴明。始足以昭懲勸。即如阿瓦勒比。抒誠効力。既經加恩獎賞。而烏默爾比乘亂搶掠。自應正法示懲。乃僅請革職管束。甚屬姑息。著將烏默爾比派員看守送京。○甲寅。

上奉

皇太后幸同樂園。侍早晚膳。至丁卯皆如之。○御奉三無私殿。賜皇子諸王等宴。○諭軍機大臣等。據尹繼善奏。擬於三月內。將印務交與高晉護理。即赴京陛見等語。八阿哥行聘吉期。已擇於四月十二日。尹繼善自當先期來京料理。現在江西審案完竣。該督自可即回江寧。所有一切應辦事件。上緊清理。俟高晉到日。將總督印務交代。即行起程赴京。○又諭曰。海明辦理回部事務。多未妥協。即如從前葉爾羌伯克等。以鄂對不稱阿奇木之任。請將額敏和卓補授一事。自應嚴行查辦。乃商之舒赫德。方且游移不決。以為可不奏聞。甚屬非是。朕念其甫經辦事。姑從寬申飭。此次又復姑息。是海明竟不能奮發有為。喀什噶爾。地通安集延等處。與布魯特等接壤。較之葉爾羌。雖通已達克山。相距尚遠者。其情形尤為緊要。辦事大臣。必得精明果斷之人。遇

事始能妥協。海明不稱喀什噶爾辦事之任。現命永貴前往。更代舒赫德。但抵任仍需數月。著傳諭舒赫德。即赴喀什噶爾辦事。令海明赴阿克蘇。與其衷同辦事務。看來阿克蘇辦理伊犁屯田回人。運送什物。尚不甚難。俟永貴抵喀什噶爾。舒赫德將現辦章程交代。即行回京。俱著傳諭知之。○乙卯。

上詣

安佑宮行禮。○御正大光明殿。賜朝正外藩蒙

古王公貝勒貝子等宴。召左翼科爾沁和碩親王垂扎布。烏珠穆沁和碩親王朋素克喇布坦。科爾沁多羅郡王和碩額駙齊默特多爾濟。科爾沁多羅郡王喇特納扎木素。敖漢多羅郡王喇什喇布坦。喀爾喀多羅貝勒拉旺多爾濟。喀爾喀多羅貝勒衮布多爾濟。喀喇沁固山貝子多羅額駙瑚圖靈阿。喀喇沁固山貝子多羅額駙扎拉豐阿。阿魯科爾沁輔國公和碩額駙喇什納木扎勒。教漢輔國

公固山額駙羅布藏錫喇布。右翼科爾沁和碩親王固倫額駙色布騰巴勒珠爾。喀爾喀和碩親王成衮扎布。阿巴噶多羅郡王車凌旺布。回子郡王品級貝勒霍集斯。喀爾喀郡王品級貝子達什丕勒。喀爾喀多羅貝勒丹津。翁牛特固山貝子巴勒丹喀爾喀貝子品級輔國公額爾克沙喇。喀爾喀鎮國公恭格敦丹。科爾沁輔國公固山額駙拉里達。和托輝特輔國公多爾濟車登等。至御座前。賜酒

成禮。○勅諭哈薩克阿布賚。阿布勒巴木比特爾等。使人卓勒巴喇斯等。與侍衛納旺。俱安善前來。朕即召見。加恩宴餐。錫宴時。賜爾阿布賚。阿布勒巴木比特。蟒錦緞疋器什芽茶各若干。交使人齎回。其各祇受。並賜來使翎頂冠服。緞疋器什銀兩有差。至爾等所奏。朕已鑒悉。從前巴魯克巴圖爾。搶掠烏梁海等。駐劄烏里雅蘇台將軍。欲發兵問罪。朕念爾等素稱恭順。不允所請。特命侍衛納旺前

住諭令拏送罪人查還所掠爾阿布賚即同納旺親行查辦送還烏梁海人口牲畜什物又遣使入覲代巴魯克巴圖爾請寬朕為天下共主凡外藩歸附人等果能自知其罪改過還善亦姑予矜全惟怙終不悛始加征討今巴魯克巴圖爾既惶懼祈求而爾等又專使奏懇朕恩尚屬恭順巴魯克巴圖爾著免其拏送治罪嗣後爾等惟加意約束所部各守封疆善圖生計勿謂此次有請即免遂妄

圖僥倖越境盜竊斯時將軍大臣等奏請發兵朕亦不能姑息從事必致擾爾游牧於爾復有何益爾等當以朕意徧諭所屬俾知道守再爾等使人拜克奈等轉回謬言愛呼斯地方已蒙大皇帝賞給哈薩克游牧經伊犁大臣查詢具奏從前使人奏請在塔爾巴哈台游牧朕即諭以不應越境且載在勅書而爾等屬人仍造言生事若此是僥倖之心尚未止息已諭伊犁大臣等有哈薩克越境游

牧者即行驅逐今卓勒巴喇斯等所奏又有南界綽爾郭西界沙喇伯勒中抵勒布西等語凡此數處皆厄魯特故地而爾使謂哈薩克俱有游牧隱躍其辭希圖窺伺更屬僥倖試思我國家以大兵平定之地豈可任爾等侵踞況爾等前為厄魯特所擾雖現在游牧之處亦遠徙避去仍不能免於搶掠今干戈寧靜共樂昇平爾等游牧並非狹小乃妄行陳奏朕必不允是徒有貪得見小之名儻妄

生窺伺或轉至失其所有甚無謂也至爾等所奏哈薩克全部已為臣僕願世世子孫永効惇誠乞賜璽書為券等語朕嘉悅覽之爾等果能遵朕所頒勅諭約束部衆各安生業自必永綏福祿垂於萬年矣又爾阿布賚使人奏云爾所屬有三人為烏梁海所獲乞查出發回所奏未為合理即如巴魯克巴圖爾係獲罪之人理應拏送尚加恩寬免此三人既為烏梁海所養何必瑣瑣校計如必欲

查還。可將巴魯克巴圖爾拏送前來。朕再降諭旨。適已命爾使傳諭。因附及之。爾等其各宜領悉。

實錄卷之六

子

大清高宗法天隆運至誠先覺體元立極敷文奮武孝慈神聖純皇帝實錄卷之六百二十八

大清高宗法天隆運至誠先覺體元立極敷文奮武孝慈神聖純皇帝實錄卷之六百二十九

欽修

乾隆二十六年辛巳正月丙辰

上御正大光明殿。賜大學士尚書等宴。諭軍機大臣等。昨有旨令海明赴阿克蘇辦事。該處有撥遣伊犁屯田回子解運物料等事。亦屬緊要。和其衷在彼。隨同舒赫德辦事。已閱數月。情形諒俱熟悉。著傳諭和其衷諸事。協同海明妥辦。不可以海明位尊年長。依違迎合。丁巳諭。朕於二月初四日御經筵。所有應行典禮。各該衙門敬謹豫備。○又諭朕恭奉

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 慶豐總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部事務世襲騎都尉軍功加十九級隨帶加二級又加二級 董浩內大臣戶部尚書鑲黃旗滿洲都統軍功紀錄五次尋常紀錄十四次 德瑛經筵講官太子少保工部尚書紀錄六次 曹振鏞等奉